Djeljivost

Vjerovatno znate da u dekadnom brojnom sistemu (baza 10), broj je djeljiv sa 9 ako mu je zbir cifara djeljiv sa 9. No, da li ste znali da postoji generalnije pravilo? Na primjer, u oktalnom brojnom sistemu (baza 8) broj je djeljiv sa 7 ako mu je zbir cifara djeljiv sa 7. U heksadecimalnom brojnom sistemu (baza 16) broj je djeljiv sa 15 ako mu je zbir cifara djeljiv sa 15.

Inače, za brojni sistem sa bazom B vrijedi da je prirodan broj djeljiv sa B-1 ako mu je zbir cifara djeljiv sa B-1. Kako provjerimo djeljivost novonastalog broja? Ponavljamo postupak (zamjene broja sa zbirom njegovih cifara) dok ne dobijemo jednocifren broj. Ako je dobijeni jednocifren broj jednak B-1, onda je originalni broj djeljiv sa B-1. U suprotnom nije djeljiv.

Vaš zadatak je napisati program koji prima listu pitanja u formi baze B i broja X zapisanog u toj bazi, te određuje da li je broj X djeljiv sa B-1. Baza B neće biti veća od 16, a za cifre veće od 9 koristit će se slova A, B, C, D, E i F sa vrijednostima 10, 11, 12, 13, 14 i 15, redom.

Napomena: nije nužno koristiti opisani postupak za provjeru djeljivosti broja X sa B-1, možete koristiti i druge načine provjere djeljivosti po želji.

Ulazni podaci

Prvi red ulaza sadrži jedan prirodan broj N, broj upita programu. Svaki od narednih N redova sadrži dva prirodna broja - B i X, odnosno bazu i broj zapisan u toj bazi, za koje je potrebno odrediti da li je X djeljivo sa B-1.

Ograničenja

$$1 < N \le 100$$

$$2 \le B \le 16$$

$$1 \le X \le 10^9$$

Podzadaci

Podzadatak 1 (23 bodova)

$$X < B \le 10$$

Podzadatak 2 (24 boda)

$$B = 10$$

Podzadatak 3 (32 bodova)

Baza B će uvijek biti jedan od brojeva 2, 8, 10 ili 16.

Podzadatak 4 (9 bodova)

Neće biti potrebno više od jednog koraka opisanog postupka da se dođe do jednocifrenog broja.

Podzadatak 5 (5 bodova)

$$B \leq 10$$

Podzadatak 6 (7 bodova)

Bez dodatnih ograničenja.

Izlazni podaci

Za svaki upit, u zasebnom redu, potrebno je ispisati DA ako je broj X, zapisan u brojnom sistemu sa bazom B, djeljiv sa B-1. Ukoliko nije, potrebno je umjesto toga ispisati NE.

Primjeri

Ulaz 1



Izlaz 1



Objašnjenje 1

Za prvi upit potrebno je provjeriti da li je broj 27, zapisan u dekadnom brojnom sistemu, djeljiv sa 9. Obzirom da jeste, potrebno je u prvom redu ispisati DA.

Za drugi upit potrebno je provjeriti da li je broj 171, zapisan u binarnom brojnom sistemu kao 10101011, djeljiv sa 1. Kako je svaki cijeli broj djeljiv sa 1 tako je u drugom redu potrebno ispisati DA.

Za treći upit potrebno je provjeriti da li je broj 5, zapisan u oktalnom brojnom sistemu, djeljiv sa 7. Kako nije, potrebno je ispisati NE u trećem redu.

Ulaz 2



Izlaz 2



Objašenjenje 2

Za prvi upit, praćenjem postupka rastavljamo 6AE na cifre 6, A i E, sabiremo ih u heksadecimalnom brojnom sistemu, čime dobijamo 1E. Ponavljajući postupak, sabiranjem 1 i E dobijamo F, što predstavlja najveću cifru ovog brojnog sistema, odnosno jednako je B-1, čime zaključujemo da je originalni broj djeljiv sa F, odnosno 15 u dekadnom brojnom sistemu.

Za drugi upit, zbir cifara 3 i A u brojnom sistemu sa bazom 12 daje 11, odnosno ponavljanjem postupka dobijamo 2. Kako ovaj rezultat nije jednak B (odnosno 11 u dekadnom brojnom sistemu) tako zaključujemo da 3A nije djeljivo sa B u brojnom sistemu baze 12.

Za treći upit, sabiranjem cifara dobijamo 5+1=6, što je očigledno djeljivo sa 6, tako da je potrebno ispisati $\overline{\ DA}$.

Za četvrti upit, broj u brojnom sistemu sa bazom 4 je djeljiv sa 3 ako mu je zbir cifara djeljiv sa 3. To je tačno, tako da je potrebno ispisati DA.

Za peti upit, u brojnom sistemu sa bazom 13 vrijedi C+3+B+0=20, 2+0=2. Kako smo došli do jednocifrenog broja, a taj broj nije C (odnosno

BHOI 2024 - Bosanskohercegovačka olimpijada iz informatike za srednje škole

15.06.2024.

12 u dekadnom brojnom sistemu), tako zaključujemo da originalni broj nije djeljiv sa B-1, te je potrebno ispisati $\overline{\rm NE}$.

BHOI - BH Olimpijada iz Informatike

10^{bih}